

雲南通志卷之第二十八

災祥

休咎之徵關乎天道而人事係之滇荒區僻壤
白雉神駒不少槩見靈芝秀麥亦復時生雖皆
和氣所致亦何必沾沾稱瑞以為有補於

聖世之祥符也至若民間災眚尤為修凝者所宜加

之意矣備稽舊志凡累朝物象之變巨細畢書
是亦宋李沆水旱必聞之遺意歟夫春秋紀災
異而不言徵應則消弭之故全歸人事古有虎

雲南通志

卷之二十八

災祥

一

渡河而蝗不入境者其在賢守令且然明乎德
效之貞勝庶可語於天人之際乎作災祥志

周

惠王時鳳鳴於西山

土人不知呼為
碧雞因名其山

漢

武帝元符間五色雲見白崖

遣使跡之
至雲南縣

平帝元始元年正月益州塞外蠻獻白雉一黑

雉二

東漢

章帝建初二年滇池出龍馬四白鳥一其露降

雲南縣有神鹿兩頭

哀牢傳作雲南縣華陽國志作點蒼山西漢雲南縣

郎今府治點蒼山下後漢因之今府屬雲南縣去點蒼山二百里漢舊縣地漢書註雲南縣西山如扶風太乙之狀郎點蒼山蓋漢以葉榆置雲南縣或以隆興和山為太乙者誤

晉

武帝泰始八年連理木生建寧

泰康元年白龍三見於永昌○白虎見永昌南罕

惠帝永寧元年永昌螟

雲南通志

卷之二十八

災祥

二

成帝咸和六年甘露降寧州城內北園榛桃

孝武帝泰元十二年甘露降寧州

十四年建寧郡枯樹斷折忽然自立相屬

梁

武帝普通三年建寧地震

唐

明皇天寶間越賧天馬生郊

代宗大曆四年永昌河中村智井有火燭天井傍有三角牛四角羊三足雞

懿宗咸通十四年永昌雨土

宋

真宗景德二年永昌地震

元

成宗大德間昆明池有蛟害人後除之

泰定帝泰定年間大星隕於碣嘉縣之黑初山

化為石

文宗至順三年五月雲南郡縣饑

順帝至元三年祿豐蝗

雲南通志

卷之二十八

災祥

三

至正元年昆明王案山下產赤小犬色如火羣

吠遍野○碣嘉縣雨鐵

廬舍皆穿
人畜多斃

明

吳元年二月昆明雪深七尺

人畜
多斃

太祖洪武十五年五色雲見於永昌太保山經

宿不散○廣通產嘉禾

英宗正統二年騰衝守禦千戶所井內夜有兵

戈聲一月乃止

五年秋七月順寧大雨彌旬山崩水溢

衝沒田
廬不可

勝計 ○八月甘露降於石屏州學宮

九年臨安產嘉禾 一莖三種者二畝

景泰元年秋澂江淫雨害稼斗米四錢

四年昆明姚安大旱民多饑死

五年夏鶴慶逢密鄉產瑞麥 一莖數穗者百餘知府王珉以獻

英宗天順二年七月地震 金齒司東南城郭兵器俱燬

四年騰衝司溥潤城樓災

憲宗成化元年祿豐蝗無秋

七年春正月順寧地震 聲如雷踰日始寧災祥

雲南通志 卷之二十八 四

八年姚安大水無秋

十年夏四月順寧嚴霜成凍

十六年六月劍川大雷雨 水湧衝沒民田二百餘畝

十九年夏六月武定大旱無秋

孝宗弘治元年景東晝晦五日行者以炬 有司聞於

朝上命廷臣集議遣南京刑部左侍郎兼都察院右僉都御史樊瑩行考察法罷黜文武官一千二百員有奇 ○大姚地震白塔中裂再震復合

三年金齒騰衝饑霑益大水李樹結木瓜 後有晉安

變之

五年五月大理點蒼兩溪大水衝斷西門城關水入城

十年永平縣大水湮沒民居數百家

十一年夏六月朔五日臨安大風雨寒劇樵蕪死於道者

十數人鳥雀○十月浪穹地震有聲如雷僵死無計

十二年雲南縣地震○夏六月景東地震十日

○蒙化地大震民屋多圯厥明地生白毛長寸許文廟獨無○冬宜

良地震有聲自西南來如雷民居盡圯壓死以萬計旬月常震越四年始寧○十

二月澂江地震官民廬舍傾壞人多壓死月餘乃止

十三年二月蒙自縣旱○明年復大旱

雲南通志 卷之二十八 災祥 五

十四年正月十六日劍川州地震聲如雷土城官民廬舍皆

圯○夏麥秀騰衝學宮一穗三岐○六月朔大

理大雷雨點蒼白石二溪水漲漂沒民居五百七十餘溺死三百餘人○秋

永昌騰衝大水壞民廬舍人畜死者以百數計○浪穹霖雨山

崩水溢衝圯民居溺死百餘人○七月二十五日夜河西

縣大雪雨山崩水溢衝沒田廬無計

十五年四月嵩明大風雨城南有龍拔樓三楹入雲○八月

騰衝地震

十六年春正月騰衝火巡撫副都御史陳奎疏奏上特遣重臣一人至

滇勅諭畧曰雲南僻在萬里災應有由特命爾前去廣詢博訪旌賢良黜貪暴閱軍馬修城池振舉廢墜通達幽隱興利革弊務期軍民安靖邊境寧乂少紓朕西顧之憂

武宗正德初年雲南縣地震生白毛

二年騰衝饑

三年騰衝多虎

五年金齒城西石上開花

六年騰衝地震○楚雄北勝州地震有聲自西北來墻屋

俱○五月六日地大震城傾西北圯民居千餘所

七年滇池水溢蕩析昆陽州民居百餘所溺死者無計○八月庚

雲南通志

卷之二十八

六

午金齒騰衝地震辛未大震有聲城堞官署民居傾壞死傷者甚多

者甚多

八年霑益西關災燬二百餘家○臨安地震有聲如雷三日

乃止

九年鶴慶麗江大疫死者不可勝計

十年蒙化地大震池中水立○景東地大震民居

半○五月六日武定祿豐元謀鶴慶姚安麗江

大姚同日地震官民廬舍傾圮殆盡○鄧川地大震○六

月又震○六月又震○九月太和地震屋墻盡塌壓死

數百人日每小
震踰旬始寧

十一年六月鄧川雷擊殺蛇長丈餘圍尺許黑雀數萬

壞禾苗○十一月彩雲見於鄧川二日乃散

十二年二月彩雲復見於鄧川○夏六月雷震

騰衝演武場旗杆明年六月復震

十三年秋八月龍鬪於順寧瀾滄江湧水高百丈行者七

日不渡 ○賓川州大雨雹

十七年二月雲南縣嚴霜成凍

世宗嘉靖元年五月鄧川一村出異蟲背有火星三十

雲南通志 卷之二十八 災祥 七

二點經月始不見楚雄莊甸坡禾雙穗者數年

二年六月澂江蒙化無雲而雨大水自五道河湧出有大

木浮於上不知何來衝沒田廬 ○秋騰衝旱

三年保山縣民曾銘家雌雞化為雄 ○永昌騰

越大饑 ○夏騰越多虎

四年八月澂江羅藏溪有白氣上升如龍

五年順寧新生村竹實光瑩如珠霑益大水李樹結

木瓜後有尋甸之變

六年武定日暈兩重傍有黑雲如蛟時土司鳳朝文叛人

民死者不可勝計

七年雲南縣地震○祿豐大水

八年八月澱江大雨

山崩西浦溪水溢人西街壞城屋損稼

九年霑益大旱○北勝州大饑○秋騰越大水

九月晦楚雄有星大如日自東南隕於西南

十年阿迷州地震

一日數次踰月始寧

虎入州境噬人○

六月有龍三見於大理鄧川之間

十一年夏六月順寧阿魯司泥山中雷雨拔木

十三年五色雲見永昌

雲南通志

卷之二十八

災祥

八

十四年八月有星隕於昆明官渡聲如雷

十五年夏秋永昌順寧大饑明年永昌騰越又

饑

十六年曲靖霑益陸涼馬龍羅雄地震○八月

景東霪雨害稼

十七年昆明地震

數日乃止

十八年三月臨安蒙自縣地震

自北而南晝夜常震半年始寧

九月祿豐地震有聲如雷○雲南縣地震有聲

朱價

騰貴

十九年春二月永昌城災燬者三百餘家○秋騰越大

雨雹傷禾明年饑

二十一年雷震元江府柱棟○騰越竹多實

二十二年春三月順寧雨雹如卵○秋騰越大

水

二十四年太和上陽諸谿有白物如羊羣跡之

不見歷三年乃滅○十月朔楚雄五色雲見

二十五年十二月祿豐見紅霞圍日者三○秋

景東大水

雲南通志 卷之二十八 災祥 九

二十六年臨安自春迄夏不雨螟傷苗有羣鴉食之為

雷擊死騰越饑

二十七年夏四月騰衝大雨雹○昆明雨雹殺

禾稼

二十八年三月永昌五色雲見於哀牢山○武

定霍雨水溢山崩

二十九年八月永昌大水壞民廬舍人畜溺死者以百計順寧

產嘉禾每莖三穗大如掌

三十年三月癸惑入鬼○四月有大星墜於南

方光燭民屋 其年征元江布政徐撼死之

三十一年騰越饑

三十二年閏三月永昌騰越地震 明日復震 騰越鳴

雷雨雹如雞卵○四月保山產瑞麥 一本三岐 富民

蝗飛蔽天

三十三年通海禦王家營牛產一犢雙頭八足

○祿豐有星大如日隕於文廟○富民大雨漂

沒田廬○磻嘉地震

三十五年順寧正月至五月不雨○景東二月

雲南通志 卷之二十八 災祥 十

至六月不雨○三月霑益晝晦如夜○四月霑

益大雨雹如卵○七月彗星見長數尺 月終乃滅

三十七年三月楚雄城中火 燬民居數百家 ○四月二

十六日江川縣有光五色見於龍鳳山○夏五

月永平地地震三日○秋武定大雨雹傷稼○永

平騰越大水 壞民田廬數百家 ○七月鶴慶霪雨水溢

越三十八日始消米粟騰價

三十八年通海西屯民家牛產一犢雙頭兩尾

八足○六月二十五日夜鶴慶漁塘村雷雨大

作山崩水溢壞民居一百餘所○雲南縣大旱

減其租稅九月騰越大雨雹害稼○彩雲見順寧之

東北狀如華蓋光焰射人彌月乃散

三十九年通海湖外北關村地震有聲如雷居民

傾圮壓死數十人武定獅子山有白猿形大肖人值之者多

傷集衆射殺之北勝大水○十二月永平甘露降

四十年楚雄火○霑益大水李樹結木瓜後有東川

之變南安安竜堡山鳴聲聞數里明年有嘯取禾焚掠之變北

勝大饑○六月永平和丘山五色雲見○七月

雲南通志 卷之二十八 災祥 七

姚安霪雨傷禾

四十一年春正月五井提舉司界麥秀兩岐或

三岐○嵩明李實如瓜是年大饑十一月河西地震

○落馬井有火自空而下大如斗聲若雷○十

二月諾鄧井災燬民居百餘家

四十二年正月永平地地震自西方聲聞百里○

二月霑益陸涼地震○八月姚安霪雨浹旬江水

溢衝沒民田

四十三年楚雄旱○江川縣大雷雨地震晝夜十餘

次淡旬
乃止

四十四年正月通海大風拔木數百株水中舟揭入雲

中莫知所止各地震大雨雹

四十五年新安所饑○冬通海復地震大雨雹

穆宗隆慶元年楚雄大有年○雲南縣旱○嵩

明大水漂沒廬舍人畜

二年新安所大饑

三年元江元謀大旱

四年安寧大雨淡旬沒官民廬舍十之三○二月江川有

雲南通志 卷之三十八 災祥 七

光五色復見於龍鳳山至暮乃散○四月朔蒙化晝

晦自巳至未方霽

五年雷震臨安東城碎其旗杆木屑飛酒官民廬舍○八月通

海地震自東南來有聲如雷壞城堞官署民居壓死者甚多○

新安竹華結實如麥

六年霑益地震壞民居○雲南縣久霖山崩○

五月礪嘉大水○秋景東水溢圯橋梁沒田廬米價騰貴

神宗萬曆元年雲南縣彩雲見如綺○元江嵩

明大水○二月至八月石屏霪雨湖水漲傾城堞田廬○

楚雄饑○三月曲靖虎入市

二年八月曲靖雨雪

三年四月朔大理晝晦自巳至未乃霽八月曲靖大雨

雪○十月曲靖淫潦沒田禾

四年九月騰越地震

五年彗星見西南光芒燭天後緬寇入騰永○臨安春

夏不雨斗米三錢民多殍

六年十二月庚午永昌地震三賢祠屋瓦蕩盡祠内外死傷者十

餘人

雲南通志

卷之二十八

災祥

三

七年彗星見○武定矣納廠大雨溺死者甚衆

九年二月騰越地震○秋臨安北關有雞雛僅

一日冠距羽毛皆具遂能司晨○八月彗見西

方其光燭地匝三旬乃沒後有隴山之變

十一年二月永昌市火燬民居八十餘所○四月癸亥

有風起於永昌西北聲如雷拔木無算○彗星

見

十二年彗星見○七月星竇於賓川有聲如雷

十三年六月省城雨雹害稼

十四年趙州甘露降○二月蒙化地震

城堞官民居皆

北死傷二十餘人

十五年騰越饑○秋七月騰越地震○九月五色雲見於曲靖之西

十六年澂江元江地震○二月曲靖雨雹晝晦

自辰至午乃霽

○閏六月臨安通海曲江同日地震

有聲

如雷山木摧折河水噴流通海城垣公署民居皆圮壓死者衆曲江尤甚

○楚雄旱

十七年省城地震○臨安芝草生又生於石屏州署

雲南通志

卷之二十八

災祥

占

十八年彗見東南經旬乃沒○澂江旱○十一月五色雲見於蒙化西山

十九年澂江旱民饑○安寧火○永昌竹實○

二月辛卯臨安大風拔木揚沙翻屋瓦○七月

騰越地震

城圮數十丈軍民廬舍皆壞

二十年彗星見○大理地震○騰越大饑

二十一年姚安大水○豹入臨安南門○二月

天鼓鳴於永昌

自子至寅方止

○十二月省城

地震

雲南通志

卷之二十八

十五

雲南通志

卷之二十八

十六

三十五年有異鳥鳴於省城其聲曰殺○二月武定獅山與鷓鴣山鳴南北互應如松濤○夏彗星見○五月武定地震○省城田中有一禾二葉其實非穀非稗相傳一鎗二旗日兵秧○十一月彗星見西方尾東指其色赤

三十六年武定大疫○十八寨大水沒民居○十二月癸未永昌府地震○乙卯騰越地震○三十七年正月甲申朔永昌地震二十六日○路南文廟產白燕

雲南通志

卷之二十八

災祥

七

三十八年夏省城大旱○十二月定遠地震○三十九年姚安定遠地震○三月姚州大理地震○賓川地震有聲如雷○迷渡地震如蕩舟○猛卯地震聲如雷裂城垣一綫○雲南九峯山甘露降於松白如脂

四十年二月省城武定曲靖木密同日地震○省城羅次木密曲靖同日地震木密城圮六十餘丈

四十二年雲南縣大饑○六月朔永昌地震十二

三日聲如雷鼓

四十三年夏省城大旱○景東地震○八月朔

楚雄姚安鎮南定遠地震楚雄城址十餘丈

四十四年正月省城地震

四十五年七月晉寧地震

四十六年雲龍三崇山鳴如雷

四十七年十二月省城大雨雹震電交作雲氣

黃白

四十八年澂江姚安廣西安寧富民新興十八

寨河西大水○二月己卯有雲氣黃紅漸變黑

雲南通志

卷之二十八

災祥

十六

霧昏晦如夜大風雨如注宜良瓦石皆飄曲靖

城堞圯三丈吹一人去地丈餘方陸平彝折木

無數哨兵舍吹去數里○乙丑夜月變黃黑色

星晦無光○三月戊子省城產羊一頭如犬三

耳八足黑蹄二尾遍身白文○廣通鎮南海

地震○甘露降於雲龍○七月庚子易門老場

西岳街地陷五十餘丈傾民居死者二百餘人

○騰越產牛二首四目四耳

光宗泰昌元年十一月曲靖尋甸地震

熹宗天啓元年省城自正月不雨至六月米價騰踊

新興十八寨彌勒大旱○元謀地震聲如雷○

六月猛卯地震有聲○十月羅次富民地震○

武定獅子山鳴○十二月省城地震

二年新興疫○二月有黑雲如蓋自北來覆省

城是月東川賊犯嵩明甚虐雷震死二賊○四月省城地震○五

月省城旗纛廟火○八月師宗隕霜殺禾○冬

甘露降於雲龍

三年江川通海河西大疫○二月甘露降於大

雲南通志

卷之二十八

災祥

十九

理圓瑩如珠○三月雲龍三崇山鳴如轟雷○

四月雲南縣地震傾樓櫓雉堞壞民居五百餘所○大理地震

聲如吼地裂五區○六月定遠大雨震電霧黃紅色水

溢田禾廬舍溺三百餘人性畜無算○廣西府疫○十一月壬

戌師宗地震○昆明羅漢山崩三十餘丈○有

流星大如斗色如火自省城東南隕於西北聲

如雷

四年大理疫○祿勸旱○十八寨地震○廣西

府春夏不雨○六月麗江地震如雷傾廬舍○

七月武定大雨雪損禾○八月武定產雞四翼四足

懷宗崇禎三年秋七月白井大雨水溢壞官民廬舍漂

沒人口千餘填埋井口

四年龍見於石屏之異龍湖鬚爪鱗甲皆見

六年江川大水湮沒城垣次年遷城

九年正月順寧卡思凹夜半地中忽起火方廣

丈餘上升北過枯柯壩隕於沙窩寨後是歲瘴疾大作

七月順寧龍鬪

雲南通志

卷之二十八

災祥

三

十六年夏武定大旱○大鳥集於阿迷州淦田

頭是商數尺翼倍之○六月武定府獅山鳴○人以爲沙賊亂徵

○十一月姚安地震有聲民居傾圮無數

本朝

順治元年甲申四月太白晝見地震武定府城

崩○八月復震

二年乙酉蒙化有雙生者一類人而無肩一類

鴨而無掌母子俱亡

三年丙戌正月省城地震有聲○四月月食歲

星於井鬼○熒惑守井鬼

四年丁亥宜良牛生犢二首八足○南城外雌
鷄化為雄

五年戊子大饑民掘草木以食

六年己丑趙州雨雹

大如雞卵移時深七尺許屋瓦皆碎傷稼

八年辛卯二月蒙化府紫燕巢成黃燕逐而居
之

九年壬辰六月武定獅山地震○蒙化地大震
地中若萬馬奔馳塵霧障天夜復大雨雷電交

雲南通志

卷之二十八

災祥

三

作民舍盡塌壓死三千餘人地裂湧出黑水鱖
鱖結聚不知何來震時河水俱乾年餘乃止○
十一月彗星見東南二十餘日乃滅○三十日
卯時蒙化東方有物金光閃爍壯若浮屠聲若
巨雷墜於西化烟氣而散

十年癸巳八月蒙化彩雲見東方經時乃散

十一年甲午五月省城北山湧泉寺龍鬪壞僧

舍山門及文殊寺○六月地震

十三年丙申竹結實如稻

十六年己亥四月順寧天鼓鳴是年雲南平

○姚安鼯鼠遍野○定遠縣蝻蟲食苗

十七年庚子冬鴻鴈來

雲南舊無鴻鴈至是百十為羣日過數陣皆向

西而去自後年年皆有不見其回

十八年辛丑騰越州大饑死者六千餘人

康熙元年壬寅鶴慶府大水

湮沒民田

二年癸卯二月地震○昆明建水大姚二十四

州縣大水

四年乙巳蒙化趙州賓川雲南洱海大理旱

雲南通志

卷之二十八

災祥

三

五年丙午大風拔木

六年丁未昆明羅漢山崩數丈

八年己酉秋八月景東地震

九年庚戌昆明太華山鳴○夏蒙化趙州旱無

秋○六月地震羅次祿豐城垣廬舍俱壞○九

月景東大雨水壞民舍

十年辛亥五月省城大鳥來大水淹塌營房千

餘間壞堤壩廬舍人畜無數

十一年壬子石屏州彩雲見

十九年庚申四月火星守鬼薄積屍氣○秋楚
雄地震有聲如雷數日不止城垣官署民舍俱
壞壓死者千餘地裂湧出黑水水涸皆白沙磧
○冬十月彗星見長如疋練月餘乃滅

二十一年壬戌五月彩雲見於雲南縣之西○

十月五色雲見於楚雄之西

自午至酉方散
是年雲南悉平

二十二年癸亥夏蒙化有物頭類鴿項有紅毛
尾如帚火星亂落炤耀林木無翅而飛日將落
時見於西山

雲南通志

卷之二十八

災祥

三

二十四年乙丑四月廣通東開化菴湧清泉

二十五年丙寅四月姚安石崩水泛○廣通大

鳥來翅長七八尺足高三四尺○十一月曲靖

地震

二十六年丁卯九月姚安地震

二十七年戊辰二月劍川大風拔木飛塵蔽天

○三月劍川西山鳴劍湖沸魚鱉多死○浪穹

大雪傷豆麥損林木○南寧縣民家產豬一首

四耳八足二尾○鶴慶地震壞城垣樓閣官舍

民居每一震山吼水沸三日乃止○四月朔鶴
慶大雪深三尺傷稼壞屋○五月劍川地震城
郭學宮官舍民居倒塌無數壓死一百九十餘
人有聲如雷半年乃止○六月至九月開化旱○七
月劍川大雨雪傷稼○七月二十一日省城彩
雲見是日叛兵伏誅

二十八年己巳四月曲靖李樹菜花皆結豆桃
結王瓜旬日自落○九月廣通縣署紫薇生連理

二十九年庚午七月新興河陽大雨山水氾濫

雲南通志

卷之二十一

災祥

二十七

損禾稼壞廬舍○十一月朔太白晝見

